

Kalesia

¹ Ẹta, Kótóné ama fo yó male fópóló dotẹyale *apose*l whị Pol-né diẹ Kalesia hae kwiamó tẹ mole be huluamó betó mole Keriso fake so whịpaae aṣẹ i dere ape. Ẹta, mepaae whịrapené dotonatepa ó mo whiné kisipané kekeme nóló i kutó dine fae yóló dotonatepa wéni, Yesu Kerisoró ẹ kepaarale Alima Kótótamoné i kutó dine fae yóló dotonalepó.

² Yálo i dere aṣẹta, ẹ wotoró bitu dumi, mepaae Keriso norape ẹtamo betámó betó mole whịrape dẹ feané diẹ Kalesia hae kwia dokómó betó mole Keriso fake so whịpaae dapó.

³ Dẹné Aya Kótóró Tale Yesu Kerisotamoné hẹle hamokoróló tao sere alaró hosaa muni deyóló mo dua betere alatamo diẹ tuẹpaae erópóló yae.

⁴ Mió i alimó mole dowi alané doasi fotokóné dẹ so whị dokoló mularsóró, Yesuné ama betere bete melóló dupuraleteiné dẹ hẹle fópóló eralepó. Aita, dẹné Aya Kótóné kisipa mole ala sya furaalu eró beterapó.

⁵ Kótóné ama doi betẹ hale sóró horóló, doasi doi mo ti muó tanópóló yae. Mo kée. Táyópóló yae!

Talené kisi fo wisita, me kaae mei mo betátóró mulapóló ere fo

⁶ Yesu Kerisoné hẹle hamokoróló tao sere alané Kótó ẹ beterepaae ape yalepó. Atẹyale sekẹ taaróló, kae kisi fo wisi wosaai hapale kisipa feteyóló fole kilituraalu, aita enei ala meitei dapóló ẹ kilita sókó fulapó.

⁷ Mepaae wh̄rapené dīpaae mió wosetere kisi fo wisi i ape yóló yó matepa, ti aita kale wosetere fo wisi mēi ai ape. Aita, Yesu Kerisoné mió wosetu betere kisi fo wisi mē kae fotamo hosekéróló doróo, diaaḡ kisipakélé kōpaae falóo, yaalopóló kisipa mutapó.

⁸ Ḍanékelé, ó hepen bemó betere *ensel-nékélé*, Kótóné mió wosetere fo wisi take Ḍané dīpaae yó male kaae ini, kae fotei fo wisipóló yó matepa, ti ai wh̄i mo ti só deróló alu yaaire tikipaae f̄póló yae.

⁹ Take Ḍané dīpaae yale fotei momó i dapa wosae. Wh̄i me dené diaaḡ woseté wou betere kisi fo wisi kaaetóro yó meni, fo me kae yó matepa, ti atétere wh̄i só deróló mo ti alu yaaire tikipaae f̄póló yae.

¹⁰ Yálo i du betere fo ó du betere ala mo wh̄rapené kolóló, i wh̄iné mo wisi ala dapóló dukirópóló dépé? Kótóné kilitu mo wisi ala dapó yópóló du betere? Mo wh̄rapené kisipa tiki felé yaaire alatamo yálo du bituḡsóró, ti ę Yesu Kerisoné kutó diratere wh̄i bituḡ meipó.

Polaposel wh̄i sóro beteraai Kótóné ą beterepaae ape yale fo

¹¹ Norape-ó, diaaḡ mo wisiyóló kisipa yaasepóló yálo i dere fo wosae. Yálo dīpaae yó mótu betale mió wosetere kisi fo wisita, mo wh̄iné kisipanétei kaarale fo meipó.

¹² Ai fo wisita, me wh̄iné depa yálo wosóló ó me wh̄iné ę yó matepa kisipa sóro dumitei, Yesu Kerisoné amatóro ępaae hākearóló yó matepa kisipa yalepó.

13 Ẹ take Keriso whi betaairu, Juda fakené Talepaae momatu betere ala sya fóló du betalepó, dere fo diaaḡ wosóló ai kisipare ape. Atétu, yaḡo mo doa ketekẹ buóló du betale alata, Kótóné so whipaaekélé susupui ala eróo, Yesu Kerisoné ala wisikélé mo ti doróo du betalepó.

14 Yaḡo ayarapené mara mole ala sya furaalu, Juda fakené Talepaae moma dere ala etéro yae yóló, doasi kisipare yó matere whirapené da teó whirape yó malepó. Atétu, betere tuámó ẹtamo betámó doayale Juda whirape fea betepatei, yaḡo kisipa sale alané atima mo teraae felepó. Atéru, yaḡo ayarapené mara mole ala mo doa ketekẹ buóló sya fu betale whi ẹ i ape.

15 Atétu betaletei, ẹ teó deyaai pa sóró kae beterale Kótóné, ama haḡe hamokoróló tao suraalu a beterepaae ape yalepó. Tétu, Kótó a wisi kisipatamo ama naale ẹ tuámó haḡearóló yó malepó. Atéyale sukamó, ẹpaae etei ala eralepóló me whitamó inipó.

16 Atéro betepa, Kótóné ama Naalema noa kaae whirópóló kóló kóló yaḡsóró, amatei a ẹ tuapaae yó malepó. Até yaleteita, Juda meire fake so whipaae Yesu Kerisota, etei kaae whipóló yó maté kwẹyópóló kisipa mutu, eralepó.

17 Ai ala yale be demó, i kaae ala yaletei noa betené yalerópóló, ẹ betaai pa folo sóró beterale *aposel* whirape Jerusalem bemó betó mupa keḡe fenipó. Aténi, ẹpaae ai ala erale be demótóróti Arabia hae kwiapaaepi fóló, nalomo ti Damaskus bepaae fesaayóló felepó.

18 Atéro bitiré fóló, ba fo sore kemetepa, ẹ Pita

wisiyóló kisipa inireteiné kisipa yaai, Jerusalem bepaae horóló ątamo betepa, 15-ró be dę kemeyalepó.

¹⁹ Aimó ątamo mepaae *aposel* whįrape betepa kilinitei Talené noma Jems betą betepa kelalepó.

²⁰ Yąło i ašetu betere fota kapala mei, Kótóné keletómó mo i dere ape.

²¹ Atéró betale kįlipaae ti ę Siria hae kwiaró Silisia hae kwiatamopaae felepó.

²² Até yale sukamó Judia hae kwia dokómó betó mole Keriso fake so whįné ę kolóló kisipanipó.

²³⁻²⁴ Ténitei, yąło i ala du beterapó dere fo maaté atimané wosipakalepó. Téturaalu ąta, take dą Keriso fake so whįtamo bóe dóló susupui ala eróo, Yesu Kerisopaae kisipa tiki tiratere alakélé doróo du betale whįtei, miómo Yesupaae kisipa tiki tiraaire fo wisi so whį feapaae yó maté kutu beterapó dere fo woseturaalu, Kótóné doi hale sóró horótu beterepó.

2

Mepaae aposel whįrapené Pol wisiyóló dape sale fo

¹ Ę ba fo 14-ró beteró kemetepa, Jerusalem be huluapaae momó horalepó. Até yale sukamó Banabas dąmo wusuró huturaalu, Taitus-kélé dapesóró dą fea horalepó.

² Ę atéró feleteita, yąło kọleaané feni, Kótóné yąło kisipa tiki tuąpaae i ala ene fae depa felepó. Juda meire fake so whįpaae yąło yó maté kutu betere mió wosetere kisi fo wisi etéró i ape yóló,

yó melaai horalepó. Téyaletei, ai fo so whi feapaae yó meni, Keriso so whi betó mole tuámó doi mole whirapepaae maaté yó malepó. Atéro doi mole topo whirapepaae yó melaiteita, hãle meipó. Yalo take ditu betale kutókélé, mió i ditu betere kutókélé, me bete muni nisiyóló, mepaae whirapené eratere fo yaqsóro yalepó.

³ Ẹtamo betere whi Taitus aṭa Juda meire fake whi betereteiné apaae ya tiki sekaṣ tikaē yóló sɛnipó.

⁴ Ti aita hãle meipó. Mepaae whirape kapalatei, norape aṣyóló ḁtamo bitu, Yesu Kerisoné yale alané ḁ teraayóló feléyóló betere ala kikiti kelaai walepó. Aita, ḁ wae sóro kutó diratere whi beter-aaí kiswa mutu, yalepó.

⁵ Até yaletei, atimané i ala yae yóló sɛ du betere fo wosóló, téyaalopó dere fokélé inipó. Ti aita, noa ala yópóló kiswa mutu yaleé? Mió kale wosetere kisi fo wisi diaaṣ wosóló ita, mo doa bete mole fopóló ḁi tuámó muó tanópóló yalepó.

⁶ Jerusalem bemó doasi doi mulapó du betere whirape-ó doi munire whiṭa, yalo me ɔla meipóló kiswa mualepó. Ti noa betené meipó. Kótóné ama ḁané tó tikimó ere ala kolóló, ita doasi doi mole whipóló doi mulatere ala dumipó. Ai whirapené yalo yó male fo wosetu mo dono dapóló, atimané me fo kae beleróló inipó.

⁷ Aténi, Juda so whipaae mió wosetere kisi fo wisi Pitané sũmó yó maté konérapóló Kótónétei a sóro beteratepa, kale doasi doi mole whirapené kolóló kiswa yalepó. Até yale kaaetóro, Juda meire fake so whipaae yó maté kwɛyópóló, Talené ɛ sóro

beteraleiteikélé atimané kolóló kisipa yalepó.

⁸ Ti Pita Juda fake so whi tuámó *aposel* whi bitu, Talené fo yó mótu betepa, ai ala tuapaae Kótóné ama fotokọ bulalepó. Atétu yale kaae, Juda meire fake so tuámó *aposel* whi bitu, ama fo yó mótu betepa Kótóné ẹ fotokọ bulalepó.

⁹ Jerusalem bemó betó mole so whirapené Keriso alamó be belerapó du betere whirape Jems, Pita, Jon-sépi atimané Kótóné ama ẹpaae melale hamokoróló hãle tao sale ala kilituraalu, Banabas dāmoné mo donoi ala dapóló kisipa mutu wisiyóló dape salepó. Atéro dāmo Juda meire fake so whi tuapaae fóo, atima ti Juda fake so whi tuapaae fóo, yaairaaalu dā fea fo kẹlaaróló, wisirapóló mo betā kisipatoró mualepó.

¹⁰ Atéro, dāmapaae i fo betā yalepó. “Diaamo fo yó maté kuturaalu, ai be huluarapemó yoleale yóló betó mole so whi tao sere alakélé hãle yó tawae,” yalepó. Ti aita, yālo keteke buóló mo taketi hãle yó tare alapó.

Pol-né Pita foné sale fo

¹¹ Téro Pita Antiok be huluapaae wóló betere sukamó, ama hāsókó fele ala yālo apaae teraae faróló, ą foné salepó.

¹² Ti noa betené meipó. Mepaae Jems-né dotonatepa wale Juda whirape waai teópa, ą Juda meire fake whirapetamo bitu, ọla nukua yalepó. Até yaletei, kale whirape Antiok bepaae wale sukamó, Pita ą Juda meire faketamo ọla betámó naletei taaróló, kae biṭi felepó. Até yaleteita, kale tiki sekaṭ tukóló siriró betere whirapené keletómó

Juda meire fake wh̄irapetamo ɔla betamó nukupa noa kisipa muaalorópóló wituraalu yalepó.

¹³ Pitané d̄a fea Keriso fake so wh̄i mo bet̄a alatóró erapó du bitutei, ama yale alané fake tekeyóló Juda fake kae aɔróo Juda meire fake kae aɔróo eralepó. Ai h̄oko ala mepaae Juda fak-enékélé sya felepó. Ai h̄oko ala fakeyóló Banabas-nékélé yalepó.

¹⁴ Mió wosetu betere bete mole fo wisi mupatei, atimané dere ala kae depa kilitu, atima feané keletómó ȳalo Pitapaae duraalu, “Ȳata Juda wh̄itei, Juda wh̄iné dere alatóró ini, Juda meire fake wh̄iné dere ala kaae du beterapó. Atéyaleteimo, Juda meire fake so wh̄ipaae d̄a Juda wh̄iné mara mole ala sya f̄ópóló noatepa s̄etu betere?”

¹⁵ D̄ata dowi ala dere Juda meire fake wh̄i bitini, mo Juda fake wh̄iné mara mole ala tuamó deyale wh̄irape bitu, i fo d̄ané mo kisiparapó.

¹⁶ Wh̄i me dené kale yóló muló betere fo mo wisiyóló sya fóló erótu betepa, Kótóné ai wh̄ipaae ȳa mo donoi wh̄ipó fo yaalo meipó. Téyaalo meitei, Yesu Kerisopaae kisipa tiki tiratere ala bet̄a kil-itu, Kótóné mo donoi wh̄ipó fo enérápó. Atére betené Kótóné d̄apaaekélé wh̄i wisipó yópóló kisipa mutu, Yesu Kerisopaae bet̄a kisipa tiki tiró beterapó. Kale yóló muló betere fopaae d̄ané kisipa tiróló sya fumipó. Ti noatepae, kale yóló muló betere fo sya fóló erótu betere wh̄ipaae Kótóné me alakélé muni, mo donoi ala dere wh̄ipó fo yaalo meipó.

¹⁷ D̄a Keriso tuamó bettereteiné ama d̄apaae mo donoi so wh̄ipó yópóló wóputé fu betere tuamó

ḁané du betere dowi ala ḁakearatepa, ḁané noa fo yaaloé? Kerisoné dowi ala wisirapa, deté fae fo enére? Mo meipó.

¹⁸ Kale tukóló muló betere fo aomó sukóló betere alané Kótóné keletómó, wisi ala dere whi beteraairetei mo diripa kisipa mutu, yałotei ai tu mo taaralepó. Até yaletei, yało momómo duraalu, kale tukóló muló betere foné ḁa wisi ala dere whi beteraalopó depata, ti Kótóné tukóló muló betere fo yałotei tikitapóló ḁakearatapó.

¹⁹ Ti noatepae, kale tukóló muló betere fo mo turó yało kisipa yaleteiné ę sukale whi aoralepó. Atéreteiné, kale sukale whi ai fo aomó momó kae netéro betaaloé? Meipó. Kótóné ama ala eróturaalu, ątamo mo ti beterópóló, kale tukóló muló betere foné ę dóló sukunalepó.

²⁰ Ęta, Yesu Kerisotamo filipaa ni tómó taketi sukóló i mole ape. Atéyaleteiné ę momó kae bitini, Keriso ą ę tuamó beterałó. Mió haemó i betere yało mo tikita, ti ępaae yaala sókó fóló, tao suraalu ama betere bete ḁale melale whi Kótóné naalemapaae kisipa tiki tiró betereteiné i betere ape.

²¹ Ti Kótóné ama ḁale hamokoróló tao sere ala, yało me bete munire ęla aleróló, ḁepaae mulanénipó. Ti noa betené i fo du meipó. Kale tukóló muló betere fonétamo ḁa mo donoi so whi beteróluąsóró, ti Yesu Kerisoné ama betere bete besekeróló, ą ḁale sukalepó fo uapó.”

3

Yesu Kerisopaae ó tukóló muló betere fopaae diaaę tuę tiki tiró beterémóló kęae kelae

¹ Kalesia hae kwiamó betó mole kisipa okokoi so whi-ó! Mé whiné hosó foné diaaḡ kisipa tiki feteróló, diḡ mo ti okokoraleé? Yaḡo diḡpaae kale fo wisi yó móturaalu, Yesu Keriso filipaa ni tómó oleralepóló yó male fo diaaḡ wosóló diḡné kelené mo kilitu yale kaae, ai kisipare ape.

² Yaḡo diḡpaae wosetere fo betaḡ i ape. Kale Deḡ Kepe Wisi saletei-a, tukóló muló betere fo sya fele tikimó salepé, mo fo wisi wosóló kisipa tiki tiraleteiné saleé?

³ Diḡné kisipa tiki-a, noané mo ti okokoró betere? Kaae suta, ti kale Deḡ Kepe Wisiné fotokḡatepa kaae saletei, kemene fole kwiapaae sókó faairaalu, mo whiné bole fotokḡné sókó fenérapóló kisipa mute?

⁴ Diḡ Yesu Kerisopaae tué tiki tiróló ama ala eró taremó seḡei ala wapatei, me ḡla meipóló ḡale beleté fu betaleteimó saaire dupu ḡale ḡla kaae taalaai kisipa mute? Ti ai doasi seḡei ala beletu betaletei bete munipa ḡale yaleé?

⁵ Kótóné ama diḡ melale Deḡ Kepe Wisiró kelemei ala eraleteitamo-a, kale yóló muló betere fo diaaḡ sya fele betemó melalepé, kale wosetere kisi fo wisi wosóló kisipa tiratere alamó melaleé?

⁶ Kale whi Abraham-paae erale ala mo wisiyóló kisipa muae. I fo aseḡyóló muló beterapó.

“Kótóné ḡpaae yale fo mo eraalopóló kisipa tiki tirale ala kolóló, i whiḡta me dowi ala ini, mo donoi whipó,” erapó.

⁷ Térapa, mepaae so whi de Kótóné fo wosóló ḡpaae kisipa tiki tiratepa, ti atétere so whi Abraham-né naale senaletóro beterapóló kisipa muae.

⁸ Juda meire fake so whiné Talepaae kisipa tiki tirateremó, Kótóné mo donoi so whipó yaairetei, taketi asemó erapó. Dané mió i wosetu betere fo wisitóró mo take Abraham-paae itéró ipakalepó.

“I hae kwia dokomó betó mole so whi fea yapaae eraaitere alané wisiraalopó,” erapó.

⁹ Atére betené mepaae so whi de Talepaae kisipa tiki tiratepa, ti kisipa tiki tiratere seké Abraham wisirótu yale kaae, atéró kisipa tirale so whikélé Kótóné wisirótu beteraopó.

¹⁰ Kótóné ama tukóló muló betere fo erótu betere alapaae kisipa tiki tiró bitinire so whi fea, ti Kótóné doratere ala aomó ai betere ape. Ti noatepa mei, Kótóné i fo asęyóló muló beteraopó.

“Mepaae so whi detamo Kótóné *buk*-mó tukóló muló betere fo mo fea sya fóló eró tanitepa, ti Kótóné atima mo doraalopó,” erapó.

¹¹ Ti noatepaae, kale asemó yóló muló betere fo i ape.

“Kótóné keletómó mo donoi so whita, ti kisipa tiki tiratere alané betą bitiré fu betenérapoló,” fo erapó.

Kótóné tukóló muló betere fo eraté fu betaleteimó, mo betą whipaaekélé Talené mo donoi so whipó enéniretei mó hakearapó.

¹² Ti Kótóné tukóló muló betere fo sya fóló erótu betere alata, ti kisipa tiki tiratere tuamó kaatumipó. Tétumitei, kale asemó i ere fo kisipa muae.

“Mepaae whitamó tukóló muló betere fo sya fóló erótu betepa, ti ama ai du betere ala tuamótóró ą beteraté faalopó,” erapó.

13 Kale tukóló muló betere foné doratere ala d̄apaae eraqsóró, Keriso ̄ filipaa ni tómó sukutu-raalu, d̄a tao sóró dupuralepó. Atéturaalu, doratere ala mo turó ̄paae eralepó. Ti noatepae, ašemó i fo erapó.

“Mepaae wh̄i de ni tómó oloratepa, ti ai wh̄i Talené mo ti mokoróló doró beterapó,” erapó.

14 Abraham-paae eraalopóló mulale fo mo dokonóturaalu, eratere wisi ala Juda meire fake so wh̄inékélé s̄ópóló kisipa mutu, Yesu Kerisoné ama d̄a tao sóró dupuró beterapó. Atéreteita, d̄ané ̄paae kisipa tiki tiratepa, ama melaalopóló mulale D̄ei Kepe Wisi s̄ópóló erapó.

Kótóné folosóró i ala eraalopó ere fo melóló, nalo ti tukóló muló betere fo male ala

15 Norape-ó, ȳalo dīapaae i du betere fo bete diriyóló kisipa yaasepóló, d̄ané suka fea du betere alapaae dó faróló i dapa wosae. Mo wh̄iné dirii fo dokóló muló betepa, nalo me wh̄iné ai fo tokóló aluratere ala ó me kae fotamo olokeratere ala mo enénipó. Ȳalo dīapaae i yaai dere fokélé atére kaaetórótípó.

16 Kótóné Abraham-ró ama deyaaire naaletamopaae i ala mo eraalopóló ašemó yóló muló beterapó. Kótóné ama *buk*-mó, “Naa deté faaire naalerapepó,” fo inipó. Ai fo ūasóró ti wh̄irape feapaae erapó fo ūapó. Ai fo ini, “Naa deyaaire naalené deté faaire naalepó,” ere fota, mo bet̄a wh̄imó kisipa mutu erapó. Ai wh̄ita, Yesu Keriso ̄tórótípó.

17 Ȳalo du betere foné bete i ape. Abraham-paae mo eraalopóló dirii fo dokóló muló betepa, 430 ba

fo kemeyalepó. Atéyale k̄lipaae kale tukóló muló betere fo sókó walepó. Nalo ai sókó wale foné Kótóné folosóro yale dirii fo tokóló alurótimipó. Ai fotamo aluratepa, ti ai fo tuamó so wh̄ipaae eraalopó ere wisi alakélé aluranérapó.

¹⁸ I dere fota noa betené dumipó. Kótóné nalopaae eraalopó yóló muló betere wisi ala kale tukóló mulale fo tuamó sókó wuʒsóro, ti Kótóné ama eraalopó yale fo tuamó sókó wuʒmeipó. Até yaletei, Kótóné Abraham-paae eraalopóló ere fo mo dokonóturaalu, hamokoróló h̄ale melalepó.

¹⁹ Térapa, kale tukóló muló betere fo-a, noa betené melaleé? Ai fota, so wh̄iné du betale dowi alamó kale folosóro yale dirii fotamo touró beterapó. Ai alata, mo ti eréni, Abraham-paae eraalopó ere fo dokonóló ama deté waaire naale wópóló kaae taru erapó. Ai tukóló muló betere fota, so wh̄i feané kisipa yópóló *ensel*-rapené Kótóro so wh̄itamóné tuʒ wh̄ipaae melalepó.

²⁰ Fake tamóné tuʒ wh̄iné betʒ fake maaté tao su me fakemo taalatimipó. Tépatéi Kótó ʒta, mo betʒátóróti beterapó.

²¹ Kale tukóló muló betere foné Kótóné i ala mo eraalopó yóló muló betere fotamo bóe dóló sesétu betere? Mei, ai ala mo dumipó. Kale tukóló muló betere fonétamo mo ti betaaire bete melólúʒsóro, ai foné me dowi ala munire so wh̄i beterólúʒpó.

²² Téuʒatei, Kótóné *buk*-mó aseýóló muló betere foné i fo erapó. I haemó betóló fale so wh̄i mo fea dowi alané dokóló, *dipula* bemó kaae betéro beterepó. Aita, h̄ale mei, Kótóné ama so wh̄ipaae eraalopó yale ala mo dokonóturaalu,

Yesu Kerisopaae kisipa tiró betere so wh̄ipaae melópoló erapó.

²³ Kisipa tiki tiratere ala h̄akearóló sókó waaipa, kale tukóló muló betere foné d̄a *dipula* kaae sóró beteró beterepó.

²⁴ Bet̄a wh̄i me tikipaae fimó ama naale senaale me wh̄iné kapala kaae tatu dere kaae, Kótóné kale tukóló muló betere foné ama so wh̄i d̄a Yesu Keriso beterepaae alísoró f̄ópóló, kapala asiri kaae tawae yóló sóró beteralepó. Ti aita h̄ale meitei, d̄ané Yesu Kerisopaae kisipa tiróló betepa, Kótóné d̄a mo donoi so wh̄i beterepóló yalepó.

²⁵ Mióta, kale kisipa tiki tiratere ala sókó wóló, take kale tukóló muló betere foné d̄a t̄eteróló kaae taretei, momó kae kaae tani, mo kemeró betera-pó.

Kótóné naale senaale-tóró betera-póló ere fo

²⁶ Dīa fea Yesu Kerisopaae kisipa tiki tiró betere-tiné Kótóné ama mo naale senaale-tóró ai betere ape.

²⁷ Ti noa betené mei, so wh̄i w̄ei kemó buó ditu dere kaae, dīa fea Yesu Keriso tuamó w̄ei tópuró betera-pó. Atéreteiné kuti derótu dere kaae, Yesu Keriso diaaḡ ai deró betere ape.

²⁸ Atéru, Juda fake ó Juda meire fake, wae sóró kutó diratere so wh̄i ó dīa mo h̄ale betere so wh̄i ó dīa fea fake teketu betere-tei me ḡla meipó. Mió dīa fea Yesu Keriso tuamó bitu, mo bet̄a alatóró erapó.

²⁹ Dīa Yesu Kerisoné ama so wh̄itamo betepa, ti dīa Abraham-né deale naale senaale-tóró betere-tiné Kótóné Abraham-paae eraalopó yóló mulélipakale fo motóró dokonóturaalu, eraaire wisi ala dīapaekélé eraalopó.

4

¹ Yało i du betere fo bete mo whinė dere alapaae dó faróló dapa wosae. Beta néli whinė naalema alimané teraae fele mómu ọla ọla fea muó mupatei, kale naale ọ ketepa, ọ kaae tare whırape aómó bitu, ama kutó diratere whi sụ beterapó.

² Kale naale alimané teraae fele ọla ọla amatei tẹteróló kaae tawópóló tukóló mulale be de sókó waaipa, ti alimané sóró beterale whırapené kale ọla ọla fea kaae tawaalopó. Mepaae whiné kale naalekélé kaae tapa, ọ ai whi aómó bitiré fu be-taalopó.

³ Take da atéro ketei naale senaale kaae betale alimó, i haemó ayarapené yó maté wale mara mole alané da tẹteróló kaae taru, wae sóró kutó diratere whi beteraté wou betalepó.

⁴⁻⁵ Téyaletei, Talené ama tukóló muló betere be de sókó wapa, ama naale i haemó betere soné deyópóló doteyalepó. Ai naale ọ kale tukóló muló betere fo aómó betere so whi dupuraairaalu, ọ ai fo aómó sukóló betalepó. Atéyale alata, da Kótóné ama naalerapetóro bitu, ama wisi wisi ọla sópóló kisipa mutu erapó.

⁶ Ti noa betené meipó. Diọ fea Kótóné naale senaaletóro betepa, ama naalema Yesu betale sirimó beteraaire Deji Kepe Wisi dané hosaa tuámó beterópóló doteyalepó. Ai Deji Kepe Wisi da tuámó bettereiné dané kólómó Alima Kótópaae “Apa, Aya-ó” du beterapó.

⁷ Atéreteiné, mió diọ wae sóró kutó diratere whi momó kae bitini, mo ama naale senaaletóro bettereiné Kótóné Yesupaae eratere wisi wisi ala, diąpaaekélé eraalo ai ape.

Pol-né Kalasia so whimó kisipa mutu yale fo

⁸ Kótóné ama aleyóló muló betere ɔla ɔlatei Kótópóló aɔmó sukóló betepa, ai ɔlarapené diɔ wae sóró kutó diratere so whi betalepó. Atétu betale alata kapala kótó ai ape.

⁹ Taketa atéyaletei, mió diɔ mo Kótó tuérapó. Tépateti, Kótóné ama diɔ mo tuérapó. Atérapa, diɔ ai bete munire hoko alarape aɔmó betaai momó fesaae fute? Diɔ atimané wae sóró kutó diratere so whi momó betaai de?

¹⁰ Ti yało i dere fota hałe dumipó. Diaaɔtei mepaae be de mo doasi bete mulapóló, be deɔapekélé, wéliérapekélé, alirapekélé, ba forapekélé, kae tukóló mulótua dapó.

¹¹ Yało diɔ tao saai dapóló doasi ketekę buóló du betale ala bete munire nisi erótu betepa, yało diɔmó kisipa mutu, ę mo doasi whaaliatu betepapó.

¹² Norape-ó, i dere fo wisiyóló wosae. Take diɔné du betere ala yało sɔróló du betepa, diɔné ępaae me sekei ala erénipó. Atéyalepa, mió diɔmó yało du betere ala sɔróló du betae.

¹³ Ę me tikipaae faai yaleteti hepo daayóló bitu, folosóró sukamó kale mió wosetere fo wisi yało diɔpaae yó maleteti diɔné ai kisipare ape.

¹⁴ Ę tikimó daayale heponé diɔpaae sekei ala eraleteti, diɔné ę dei kelené kólóló faletere fokélé inipó. Ai ala ini, diɔné ę Kótóné *ensel* aɔróló mo wisiyóló dape salepó. Ó kale Yesu Keriso ą wisiyóló dapesu dere kaae, ę mo wisiyóló dape salepó.

¹⁵ Diaaɔ take du betale doasi hekesei ala mió

netéyaleé? Diñé ɛpaae doasi koletere ala mulu, kele sokóló me whi matere ɔla uasóró, yało kele kisi daaleteiné diñé kele sokóló ɛ bulóluapó. Mepaae whiné wosetepa, ti diñé ɛpaae erale ala fea yało enérápó.

¹⁶ Mió yało diɔpaae mo bete mole fo yó matereteiné ɛ diñé bóe whi aɔrótu betere?

¹⁷ Ai whirapenáta, diɔ atimatamo touróló beteraai dapóló, doasi ketekɛ buóló atima mara mole alarape yae yóló setu beterapó. Tépateti, atimané diɔpaae ai eraai du betere alata, mo wisinipó. Ti aita, diɔ ɔatamo betámó betereitei tekeróló, atimané dere ala sya wópóló, du beterapó.

¹⁸ Mepaae wisi ala yaai, kisi pa mutu butere ketekɛta, ti doni mo wisirapó. Diɔ ɛtamo betere sukamó maaté wisi ala eraai ketekɛ buni, ɛ alupa diɔsisi bitukélé ketekɛ buóló, ai alatóró yó tapa, mo wisirapó.

¹⁹ Yało hosaa mole naale senaale-ó, Yesu Keriso diaaɔ betere bete tuámó sóró beteranée yóló mutere kisi pané yało hosaa betemó dere suputa, sorape naale sisó nukuraalu dere dele kaae momómo dapó.

²⁰ Diaaɔ du betere ala yało wosaletéiné ɛ sekɛi kisi pa muóló fomo duraalu, diɔ neyóló tao saaloé du beterapó. Téreteiné yało i dere hapólui fo taaróló, ɛ diɔtamo betámó bitu, naameiné dua uapóló, kisi pa mutapó.

Hekaró Seratamopaae dó faróló dere fo

²¹ Kale tukóló muló betere fo aɔmó betaai kisi pa mutu betere whirape-ó, ai fo tuámó mole fo diɔ wisiyóló kisi panié?

22 Ti noatepae, i fo aseyóló muló beteraþó. Abraham-né ama naale tamo deipakaleþó. Me naale ti ama kutó dirópóló wae sale soné deyóo, me naale ti ama mo soné deyóo, ipakaleþó.

23 Kale kutó diratere soné naaleta, ti mo sorapené naale detere kaae yólótóro dealeþó. Téyaletei, ama mo soné naaleta, ti mo eraalopó yóló muló betere fo dokonóturaalu deipakaleþó.

24 I fota take mo yale alatei, mió yalo fo sale fopaae dó faróló i dapa wosae. Ai so tamota, kale dokóló mulale dirii fo tamo sų sóró dapo. Me dokóló muló betere dirii fo, ti Sainai hasi fosómó kaaróló sókó walapó. Ai dirii fo so kaae bitu, wae sóró kutó diratere naale senaale ditu beteraþó. Ai sųratere sota, Hekar-pó.

25 Hekar-ta, ti Arabia hae kwiamó daale Sainai hasipaae dó falatapó. Mió tene be hulua Jerusalem-ta, ti kale Sainai hasi fosó kaae bitu, ama naale senaaletamo wae sóró kutó diratere so whıtóro beteraþó.

26 Tépatei, me kae taoró tene Jerusalem be hulua, wae sóró kutó diratere so whı kaae mei, mo be huluapó. Aita, da deale so dané haetórotipó.

27 Ti noatepae, i fo aseyóló muló beteraþó.
“Naale senaale deni, ni daale so-ó, fo fakeyóló hekesei fo du betae.

Naale sisó nélitere so hajné sukutu betae.

Ti noatepa meipó. Ni daapa sisópaae eró betere soné deale naale mo dekeró betóo, whıtamo betere soné detere naale senaale mo teraae fío erapó,”

28 Norape-ó, diąta, kale Aisak detu yale kaae, ama eraalopó yóló mulale fo mo dokonóturaalu

deyale naale senaale ai betere ape.

²⁹ Até yale sukamó mo whinė detere kaae yóló deyale naalené Dęi Kepe Wisiné fotokóné deyale naalepaae susupui ala eralepó. Até yale kaae, miókélé betą alatóró du beterapó.

³⁰ Téretei, Kótóné *buk*-mó noa fo aseyóló muló betere?

“Kale wae sóró kutó diratere soró ama naaletamo hókó falae,” fo erapó.

Ti noatepae,

“Kale kutó diratere soné naaleró mo soné naaletamo alimané ọla ọla tuámó bukuraqsórópa, hókó falae,” fo aseyóló muló beterapó.

³¹ Atérapa, norape-ó, dąta kale wae sóró kutó diratere soné deale naale senaale kaae bitini, mo soné deale naale senaaletóró ai betere ape.

5

Keriso tuámó me alané dokoni, feléyóló betere ala

¹ Dą mené wae sóró kutó diratere whi kaae, dokóló muló betepa, Yesu Kerisoné teraayóló hąle beteraleteita, ama kisipa mole ala erópóló erapó. Térapa, mepaae whirapené dią wae sóró kutó diratere whi beteraaitepa, ai ala tuąpaae momó kae biti feni, fotokọ buóló diri yóló betae.

² Ẹta Pol-né dapa, yąlo i dere fo diąné mo wisiyóló wosae! Mepaae whiné diąpaae tiki sekaę tikae yóló setere fo diaaę wosólótamo tikitepa, ti Yesu Kerisoné dią tao saaire wisi ala diaaę ai tikitere ape.

³ Kale yale fo momó i dere ape. Whi me dené ama tiki sekaꝝ tukópóló kisipa mutepa, ti mepaae tukóló muló betere forape fea mo turó sya fóló enérápó. Mepaae ala maaté eróturaalu, mepaae alamo erénitepa, ti tu muni, ai mo dorapó.

⁴ Diꝝ mepaae whiné kale tukóló muló betere fo sya fu betepa, Kótóné me dowi ala munire so whipó yópóló kisipa mutepa, ti Yesu Kerisotamo tekeyóló ai betere ape. Atéturaalu, Kótóné ama hamokoróló hãle tao sere ala wisikélé diaaꝝ ai taaló betere ape.

⁵ Tépatēi dꝝta, kale Dēi Kepe Wisiné fotokꝝratepa, kisipa tiki tiraté fu betereteiné take nalopaae Kótóné mo donoi so whipó yópóló kisipa mutu, hēkesetamo i betere ape.

⁶ Ti noatepae, Yesu Keriso tuꝝmó bitu, tiki sekaꝝ tukóló siriraterē ala ó siri erénitere ala me bete munipó. Kótópaae kisipa tiki tiraterē ala dꝝ tuꝝmó moletei hãkearóturaalu, mepaae no nerapepaae yaala sókó fole ala betꝝ mo doasi bete mole ala ai ape.

⁷ Diꝝ me ɔla saai sururu yóló fóló, dꝝle muló betere tikimó sókó faai yaletēi némo sesé yaleé? Atéró sesétu betere alata, mo bete mole fo diꝝné wosóló sya faꝝsóró, ai du betere ape.

⁸ Ti diꝝpaae ai dotopoi fo du betere fota, diꝝ ꝁ beterepaae ape yale seké meipó.

⁹ Wuliné apita, sawa ɔlatei fulukó furaalu, mo wuli tiki dorótu dere kaae, ai whiꝝrapené diꝝpaae yó matere foné ai du betere ape.

¹⁰ Diꝝ me kae fo woseni, yało i dere fo betꝝ wosóló sya faalopóló ꝛ Tale tuꝝmó bitu kisipa tiratapó. Mepaae whi de doasi doi mole whi ó

doi munire whinė diaaꝝ tué tiki kóló kólóratepa, atétere whi doasi dowi kwia saalo ai ape.

¹¹ Norape-ó, yaꝝotamo tiki sekaꝝ tikaꝝ fo depa, ti atimané ɛpaꝝe susupui ala noatepa haꝝe erótu betere? Yaꝝo atei kaaꝝe fo yó meluꝝsóró, Yesu ni tómó sukꝝlepóló yó matere fo wosetere hóróló sisópaaꝝe eratere ala uꝝameipó.

¹² Diꝝ kópaaꝝe falaai du betere whiꝝrapeta, atimané tiki sekaꝝ tukóló siriratere ala maaté ini, mo turó tukóló taꝝe fatepa ti mo wisirapó.

¹³ Yaꝝo no nerape-ó, me ɔlané diꝝ dokóló muló betaꝝsóró, teraaꝝe fóló haꝝe beterópóló, Kótóné ɔ beterepaꝝe ape yalepó. Atéro teraaꝝeyóló haꝝe betero betepa, diaaꝝ tó tiki né ekꝝlere dowi ala yaaire tꝝ melaꝝse. Aténi, diꝝ tuꝝmó yaala sókó fole ala duraalu, u taosu i taosu dere ala betaꝝ yó tawae.

¹⁴ Kale tukóló muló betere forape mo fea i doasi fo tuꝝmó bulapó. Ai fota i ape.

“Naaotei yaꝝ yaala sókó fu dere kaaꝝe, naao be whi no nepaaekélé atéro yaala sókó fu betaꝝe,” erapó.

¹⁵ Ai ala ini, yuwitamo hoꝝe suraalu u tukósu i tukósu dere kaaꝝe depata, ti atétere alané diaaꝝte i diꝝ dóló kemeraꝝsóró, mo hotowa yóló kaaꝝe tawae.

Dei Kepe Wisiné fotokꝝró betepa da betepa ere fo

¹⁶ Térapa, yaꝝo i dere fo wosae. Kale Dei Kepe Wisiné yae dere ala sya fóló erótu betaꝝe. Atétepa, ti diꝝané tó tiki né ekꝝle yóló yaai du betere dowi ala mo yaalomeipó.

17 Ti noatepae, ɗané tó tikiné ekele yóló du betere alané kale Ɗei Kepe Wisiné eraai dere alatamo bóe du beterapó. Kale Ɗei Kepe Wisinékélé ama ala eraairaalu tó tikiné eraaire alatamo bóe du beterapó. Ai ala tamo atimaamotei bóe dupa, ti ɗiǎné tó tikiné ekele yóló yaaitere ala mo enénipó.

18 Tépatei, Ɗei Kepe Wisiné ama erae dere alatamo naao sya fóló du betepa, ti kale tukóló muló betere foné ƙeteróló kaae tare aǎmó ƴa betenipó.

19-21 Tó tikiné ekele yóló du betere alarape so whi feané kisiparetei dosaatapa wosae. Nópu nokole alakélé, me dowi alatamo hoseké dere alakélé, enénire mo sonaalei dowi alakélé, kapala kótó ó mepaae alarapepaae kisipa tirótu betere alakélé, isi whiné du betere alakélé, mepaae so whitamó dei kisipa mutu, hamoma hóratere alakélé, hǒle sere alakélé, me whiné dere ala kilitu, ɛkéle até enée yóló dei kisipa mutere alakélé, mo dowi fopaae butere alakélé, doasi doi mole so whipó yópóló du betere alakélé, mo turó so whi betepatei mepaae tóróti so whi fake tekeyóló betere alakélé, fake tuǎmó teketere alakélé, mepaae whiné dere wisi ala kilitu, ɛkéle até uǎpóló dei kisipa mutere alakélé, dowi wei nóló topo dotere alakélé, so whi fea touróló bitu dowi wei nóló du betere dowi alakélé, ai dosayale alarapekéle, mepaae dosani yale dowi alarapekéle, tó tikiné ekele yóló du betere ala ai ape. Ɗiǎ dowi tǔpaae faǒsóró, ƴalo ɗiǎpaae take yalé ma fo kaae momó i dapa wosae. I dosayale dowi ala du betere so whi Kótóné ƙeteróló betere ala tuǎmó

beterénipó.

²²⁻²³ Téplatei, niné du wisi oletu dere kaae, Dèi Kepe Wisi so whì tuámó bitu, i alarape erótu betepa kelaalo ai ape. Ne nopaae yaala sókó fole alakélé, hosaa tuámó haìtu betere alakélé, hosaa muni deyóló mo dua betere alakélé, mené sekèi ala erateplatei me ọla meipóló, Kótóné ama kisipa mole ala erópóló, kaae tawóló dua betere alakélé, wisi kisipa muóló kọlené sukutere alakélé, mepaae so whìpaae wisi ala eratereteikélé, mepaae whìné ama eraalopó dere ala haşókó feni, motóro eratereteikélé, naameyóló mo dua betere alakélé, whìné tó tikiné enée dere ala yaşóro amatei ą tẹteróló kaae tareteikélé, i dosşayale alarape mo betąkókélé Kótóné ama tukóló muló betere foné yaşse yóló fo muló bitinipó.

²⁴ Yesu Kerisoné ama dape sóro betero betere so whìné tó tikimó bole ekęleró kisipanétei senée dere alatamo alurópóló, ątamo filipaa ni tómó oleró beteropó.

²⁵ Dą betere beteta, kale Dèi Kepe Wisitoró ai ape. Térapa, ątamo betámó titiyóló furaalu, ama dere ala sya fóló yaalopa siépe.

²⁶ Dąnétei ęta, doasi doi mole whìpóló bopé fake dere alakélé, me whì dowi kisipa muópóló sesemeratere alakélé, mepaae whìné mole wisi wisi ọla kilituraalu, ękélé ai ala enée yóló, u só derótu i só derótu dere alakélé, i dosşayale alarape fea dąné yaşse yóló i dere ape.

6

Dowi ala dere whì tu wisipaae fópóló tao sae ere

fo

¹ No nerape-ó, mepaae whiné du betere dowi ala dijané kelené keletepa, Deji Kepe Wisiné yae dere ala sya fu betere so whiné ai whiné ama dere dowi ala taaróló, wisi ala momómo yópóló dua naamei ma fo yae. Tétutei, ai alané dijakélé dée nalaairaału sũ sere ala eraşóró, hotowa yóló kaae tawae.

² Yesu Kerisoné yae yóló muló betere fo eróturaalu, diş tuşpaae wou betere sekşi ala dişisi u taosu i taosu du betae.

³ Me whi ş me bete munipatei, ama kisipané ş doasi doi mole whipó du betepa, ti ş amatei dilikitu beteraşó.

⁴ No nerape-ó, dijané ai du betere alata wisi ala dépé, dowi ala déró diaaşteı kşae kolóló taleyae. Mepaae whırapené du betere ala kolósu naao dere ala kolósu yóló kşae kelaşse. Aténi, naao ditere kutó betaş kşae kolóló wisirapóló kisipa mutupa, ti yaş heşeseturaalu haşyóló betenárapó.

⁵ Ti noatepae, Talené daş betaş betaş so whiné diyópóló tukóló muló betere kutó dekani, ai kutó amatóró dité fu beteraşpóló yae.

⁶ Mepaae Talené fo yó matere whiné yó matere fo wosetu betere so whiné wisi wisi ıla, mepaae bukóló kale fo yó matere whi şmo tao sóró matepa mo wisirapó.

⁷ Mené diş dilikitere ala yaşóró yae. Mo betaşanékelé Kótó faletere ala mo enénipó. Ti noatepae, mepaae whiné noa ıla wae bilitepa, ti ama ai bilitere ılatoró ılumétepa sua dapó.

⁸ Mepaae whiné tó tikiné felé yaaitere ala sya foleteiné ıla wae kaae bilipa, ti tó tikimó kaaróló mo ti doróló aluyaaitere ala saalo ai ape. Mepaae

whiné Dēi Kepe Wisiné ama du betere ala wisi kolópóló erótu betepa, ti Dēi Kepe wisiné ai whimó mo ti betó tawaaire bete melaalopó.

⁹ Dāné du betere wisi ala hōyóló taarēni, hāle detétóró fu betae. Ti noatepae, dāné du betere alatamo hāle yó tapa, ti ɔla ɔlumétere alimó ɔla wisi su dere kaae yaalopó.

¹⁰ Térapa, so whi mo feapaae dāné wisi ala erótu tao saaire tų mupa, ti tao saalopa siépe. Téturaalu, Talepaae kisipa tiki tiróló betere so whita, ti dāné ne no mo betā faketóró betereiteiné atima wisiyóló tao senérapó.

Tiki sekæ tikitere alata doasi bete muni, Keriso sukæle ala betā ti doasi alapó

¹¹ Diāpaae i ɔlatere ašeta, yało naasenétei mo doasi yóló ai erapa kelae.

¹² Tó tikimó ere ala kilitu, whi wisipóló duki-ratere fo wosaai ekele du betere whirapené diāpaae tiki sekaę tikae yóló dotopo du betera-pó. Ti ai du betere alata, hāle mei, Yesu Keriso filipaaró betere ni tómó sukælepóló yó mótu betereiteimó, atima susupui ala eraşsóró kisipa mutu ai du betere ape.

¹³ Ai kale tiki sekaę tikire whirape atima Kótóné tukóló muló betere fo feamo betere dokó sya fóló erótumipó. Téretei, atima ere kaae, diækélé tikimó siriratepa, atimané dere fo betā wose-tapóló, atima bopé fake yaai kisipa mutu şetu betera-pó.

¹⁴ Yało dere alamó ę bopé faketuraalu, yałotei yało doi hale sóró horatere ala yaalomeipó. Atēni, dā tşteróló kaae tare whi Yesu Keriso oleró betere

filipaa ni betã kisipa muóló, ita mo doasi bete mole alapóló bopé fake yaalopó. Ti i haemó yó mole ɔla ɔla fea ni tómó oleróo, yãlo ai ɔla ɔlarape saai ekele yaosóro ɛkélé ai ni tómó oleróo yalepó.

¹⁵ Tiki sekaɛ tikitere ala, ó tikinire alata, me bete munipó. Mo bete mole alata, ti Kótóné ama kae kisi kaaró betere ala betã mo bete mulapó.

¹⁶ Ai ala wisi sya fu betere so whi feapaae Kótóné hosaa muni deóló mo dua betere alaró kolené sukóló tao sere alatamo erópóló yae. Atére so whita, Kótóné ama naale senaale Israel fake ai ape.

¹⁷ Yãlo mo kemerótu dere fo i ape. Yesuné ama ala erateremó erale sirirape betã yãlo tikimó mulapa, mepaae whiné ɛ eróturaalu, dere kae kae sekei ala mo sɔpa taalae.

¹⁸ No nerape-ó, da tɛteróló kaae tare whi Yesu Kerisoné hamokoróló hale tao sere ala diãné kepe bete tuãpaae erópóló yae. Mo kée. Táyópóló yae!

**Yesu Kerisoné So Whi Tao Sere Kisi Fo Wisi
The New Testament in the Falopa Language of Papua
New Guinea**

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

 You include the above copyright and source information.

 You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

PDF generated using Haiola and XeLaTeX on 18 Apr 2025 from source files dated 31 Aug 2023

0102a9df-173c-5a64-b766-14ab67a86105